



Cumün da Valsot

Poz 86 • CH-7556 Ramosch

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 23.2.2015

Presidi: Peer-Puorger Victor

Partecipant/s: Mayer-Schlegel Armon
Hauser-Poo Gerhard
Molinaro-Andry Mario
Notegen-Melcher Men

Protocol: Luzzi-Barblan Georg

Fabrica: Paulmichl-Rodigari Albin

tractandas	tema	responsabel
16	012 Executiva Acconsentimaint protocol	tuots
17	020 Administraziun cumünala Persunal cumünal Persunal da scoula	vp/mm
18	100 Cudesch fundiari Statuts dal cudesch fundiari	vp
19	934 Indemnisaziun drets d'aua Aua restanta OEE (proposta)	vp
20	021 Administraziun da fabrica Dum. da fabrica 007/2015, Müdamaint da proget, Kellenberger Urs, Parzelle 6409, Samalgors	vp
21	021 Administraziun da fabrica Partiziun parc. 174; dumonda da Nicola Enrico Mosca	vp
22	021 Administraziun da fabrica Investiziuns / surdattas Chadafö in chasa da scoula a Ramosch	vp
23	861 Ütilisaziun da la rait GKI - Gemeinschaftskraftwerk Inn / En Scumond da transir cun barchas sül En causa il GKI	vp
24	782 Deponias da material Chava da gera Sampuoir	vp
25	782 Deponias da material Taxa da deponia / Tunnel Val Pischöt	vp
26	012 Executiva Orientaziuns	tuots
27	012 Executiva Varia (suprastanza cumünala) Via da schlittra	tuots

012 Executiva
16 **Acconsentiment protocol**

Il protocol dals 02.02.2015 vegn approvà unanim. Armon Mayer infuorma, cha la suprastanza nun ha tut cogniziun dimpersè trat üna clera decisiun quai chi riguarda la tractanda « persunal dal cumün » (tractanda 13). La formulaziun ill' affischa dals 02.02.2015 es suotsura e dess gnir corretta.

020 Administraziun cumünala
17 **Persunal cumünal**
Persunal da scoula

La tractanda vegn spostada.

100 Cudesch fundiari
18 **Statuts dal cudesch fundiari**

Il capo infuorma sur dals statuts dal cudesch fundiari. Clà Nogler, il manader dal uffizi fundiari, ha stipulà e suottamiss ils statuts a tuots 3 cumüns (Scuol, Valsot e Zernez). La suprastanza cumünala acconsentischa unanim il statuts preschantats. A la prosma radunanza cumünala vegn suottamiss quista tractanda resp. quists statuts a la populaziun.

934 Indemnisaziun drets d'aua
19 **Aua restanta OEE (proposta)**

Tenor las OEE ed eir ils cumüns concessiunaris as tratta pro quista proposta d'üna buna soluziun. Il capo infuorm sur da la sezzüda chi ha gnü lö avant ün temp. Pel cumün aintra cun quista soluziun 0.49% damain fits d'aua, voul dir d'ün import da ca. fr. 5'000.00. La suprastanza decida unanim per quista proposta suottamissa.

021 Administraziun da fabrica
20 **Dum. da fabrica 007/2015, Müdamaint da proget, Kellenberger Urs, Parzelle 6409, Samalgors**

Sar Urs Kellenberger ha dat giò üna dumonda da princip per surlavurar seis proget acconsenti. Il prüm permiss avaiva concess amo il cumün da Tschlin. Il cumün ha gnü contact cul giurist. Impustüt la situaziun intscherta da las 2. abitaziuns chaschuna gronds problems schi's acconsentischa quista dumonda surlavurada. Il manader tecnic infuorma sur dal intent. La suprastanza acconsentischa la dumonda surlavurada suot la cundiziun cha las abitaziuns vegnan realisadas sco prümas abitaziuns, uschigliö sto talla gnir cleramaing refüsada. Quist proget sto gnir resguardà sco nouva dumonda da fabrica e nö sco ün'aggiunta al proget cumanzà.

021 Administraziun da fabrica
21 **Partiziun parc. 174; dumonda da Nicola Enrico Mosca**

Nicola Enrico Mosca dumonda per trapartir la surmanzunada parcella. Tenor la direcziun ed eir da la suprastanza cumünala, nun es quist vairamaing l'idea dal plan da quartier. Cun quista varianta ha üna da las 2 parcelas üna fuorma nö ideala per fabricar, implü resultan eir cundiziuns a regard las distanzas cullas parcelas vaschinas. Dal dret nan esa però pussibel a far quista trapartiziun. La suprastanza cumünala decida in quel sen, ed appellescha però als possessurs da ponderar ils dischavantags.

021 Administraziun da fabrica
22 **Investiziuns / surdattas**
Chadafö in chasa da scoula a Ramosch

Il proget es fingià gnü acconsenti. Pro quist proget vaja per las entradas per rivar sül palc. Il manader tecnic infuorma sur da las variantas. Ingünas da las variantas nu suotisfan e vegnan refüsadas.

861 Utilisaziun da la rait

- 23 **GKI - Gemeinschaftskraftwerk Inn / En**
Scumond da transir cun barchas sül En causa il GKI

Il GKI ha inoltrà quista dumonda al chantun GR. Il cumün es però responsabel ed ha da decider sur da quist scumond. A partir da la punt a Martina fin al cunfin dess gnir scumandà il transir cun tuot las sorts veiculs per aua, uschè la decisiun da la suprastanza cumünala.

782 Deponias da material

- 24 **Chava da gera Sampuoir**

Il manader tecnic infuorma sur dal andamaint da la revitalisaziun. Il chantun ha tut giò talla. La garanzia da lavur es entrada pro'l cumün. Per revitalisar esa gnü deponà ca. 2'000 m3 massa blier material, per quists m3 dess il cumün metter in quint las taxas da deponia. Pro'l chantun exista ün conto (Sperrkonto) per quista deponia. Armon Mayer infuorma cha'l batschigl sto tegner l'aua sco reserva per incendis per minimal 3 ons, eir per quista lavur dess gnir dat üna garanzia. La suprastanza cumünala decida pel proceder surmanzunà.

782 Deponias da material

- 25 **Taxa da deponia / Tunnel Val Pischöt**

Il capo infuorma cha per quist proget ha gnü lö üna sezzüda cul chantun. L'uffizi da construcziun bassa ha scrit oura las lavurs dal tunnel surmanzunà. Il material chi vegn minà, sto gnir deponà sül deponia inert o po eir gnir criblà e sorti. Tenor discuors tanter il cumün el chantun sun uossa avantman differentas variantas pussiblas per deponar. Il manader tecnic ha preparà las variantas e tillas preschainta. La proposta da la direcziun es da criblar il material e metter in quint tenor tonnas e nö m3 (fr./tonna 7.40 per material da s-chav e fr./tonna 36.00 per material dad inert). La suprastanza cumünala decida unanim per la varianta surmanzunada.

012 Executiva

- 26 **Orientaziuns**

Il capo infuorma sur d'üna charta davart da l'Acla da Fans SA. Els manzunan la problematica dal ferm franc Svizzer vers il Euro. Per els chaschuna quista situaziun üna remarchabla perdita. Els han perquai inoltrà üna proposta per pagar las impostas. La suprastanza piglia cogniziun da quista situaziun difficila.

La ditta Fanzun SA ha mis in quint la lavur per ils progets a regard il plan da quartier a Chaflur ed eir il proget da la realisaziun d'ün büro sül areal Quadra Secha. Il cumün ha gnü contact culla ditta. Il cumün lascha evaluar las lavurs d'ün perit ed es pront da pagar la valur da la lavur.

Gerhard Hauser, sco commember dal cussagl administrativ da la Bieraria SA, ha fat ils sclerimaints a regard l'interessenza davart da la Bieraria per la garascha Häfner a Sclamischo, chi prevezza da vender quel object. El infuorma cha la Bieraria Tschlin SA avess grond interess per quella halla.

La Bieraria Tschlin SA funcziuna dad on ad on meglder, per pudair sgüar ün bun andamaint sto gnir previs ün ingrandimaint ed adattamaint per optimar la producziun. Il cumün dess deponar l'interessenza pro la ditta garascha Häfner a Sclamischo. Ün'alternativa per la Bieraria Tschlin SA dess in mincha cas gnir evaluada per sgüar l'avegnir. La Bieraria Tschlin SA dess organisar üna sezzüda cumünaliva culla suprastanza cumünala per tscherchar soluziuns.

Il capo infuorma cha'l « Bun Tschlin » ha retschevü il premi dal « Bio Grischun ». Il cumün ha gratulà per quist premi. Puchadamaing nun es mai gnü infuormà cha'l cumün da Tschlin ed uossa il cumün da Valsot sustegna remarchabelmaing quista gestiun. Implü infuorma il capo eir dal tradiziunal event « Sechseläuten 2015 ». Quist sarà üna gronda plattafuorma pel Bun Tschlin.

012 Executiva

- 27 **Varia (suprastanza cumünala)**
Via da schlittra

Sül traget Vnà – Runai es gnü trafichà cul auto. Quist ha chaschunà reclamaziuns. Il cumün dess publicar in general da nö transir sün tragets da vias da schlitra in avegnir in appellond al san inclet da minchün. Eir in otras lös chi vegn fat vias da schlitra o per peduns esa gnü quist on, sgüra eir causa la paca naiv, transi cun autos.

7556 Ramosch, 26.02.2015



Il capo:

Il manader administraziun: